

欽定
湖
十
子
詩
鈔

唐岳署



欽定四庫全書
欽定詩經卷二十一

麗則堂詩存

南豐趙德湘澹仙

正月五日出遊和陶遊斜川韻

終歲役人事新年吾合休矧茲美風物陽春召我遊意行忘
遠近相與臨清流春氣潛已來拍拍驚眠鷗感時悲逝水懷
古遵靈邱往古不可作今我猶堪儔亦有二三子良時相唱
酬入門見壺觴但問有酒不飲少輒自醉駕言寫我憂酩酊
有妙理營營復何求

人日小韋丈招同人小集

一笑靈辰快盍朋乞漿得酒樂何勝

太歲在酉

異鄉羈屑同司隸

澹仙詩鈔卷二十一

詩筆頽唐愛少陵應節好嘗人日鳥

是日食鴿

踏歌欲試上元燈

敲春燕九遨頭始攤飯澆書僕尙能

過藤花館有感呈小韋丈

月明華屋記開筵授簡分題李謫仙佳日每招羣屐集當時
已作畫圖傳故人零落今餘幾此樹婆娑亦可憐俯仰便爲
陳迹感舊遊彈指十三年

修禊日涂春樵司馬招集五詠堂次韻

手折茗華蔭桂旗讀書巖畔憶延之一峯金碧將軍畫三日
鶯花曲水詩插柳遨頭新禊事入林把臂舊交知
使君豪飲風流甚恰喜流觴有月池

賓主如竹林之數

題紫莼弟思誤書圖

不語低頭手自义淋漓襟袖墨如鴉畫師貌出真能事莫是

高齊楊子華

北齊楊子華
有勘書圖

人說淵明不求解我嗤田敏太矜奇休教鹵莽防穿鑿願爾
多聞更闕疑

別風淮雨手親研燈火青熒記昔年今日阿兄殊老矣消磨
慧業短檠前

吾家過未半能文此事還應讓卯君笑我空尋兔園冊匆匆
過眼作烟雲

欲雪

澹仙詩鈔卷二十一

二

雲容山色兩模糊大好襄陽潑墨圖深巷犬聲如吠豹疎林
榭葉亂栖烏惜惜簾幕天疑暮落落情懷客自孤爲問比鄰

洪玉父

謂少竹

晚來能飲一杯無

同人分詠得臘入粥

雲堂聞炷香石磬聲相屬云是入臘辰合薦五味粥節物記
東京故事傳西竺旃林人設供香花佛出浴水泉視清潔火
齊辨遲速淖糜泛飴錫剝菓雜豆粟咄嗟便能辦朶頤得所
欲提携勝壺漿傾瀉溢鼎餽七日香在口諸天果其腹流匙
膏灑灑滿甌濃育羅闈異時序料斗奇名目熟殊槐葉淘
煮似楊花熟分甘逮兒童垂涎笑奴僕粵若古黃帝創始乃

烹穀盛會想叢林法饌沿流俗語隱雙弓妙品和七寶足分
口詩傳范餉鄰句賡陸載稽景物畧旁徵夢華錄不談杜撰
禪爲惜唐捐福食飽起巡簷妙香鼻觀觸

瓶梅和小韋韻

拋却庾嶺春來看桂林獨一枝情懷瘦生意苦局促前宵大
風雨園林萬枝禿曲室免漂搖何遽不爲福雖非占景槃差
可藏嬌屋油窗花戶間相對人如玉垂垂若有情豔豔亦驚
目李侯吾鄉人南枝未三宿尊前說故鄉同唱江南曲孖君
羈屑思感我遠遊躅葩瑤巡簷香疎影橫襟綠却笑供唐花
矯飾毋乃俗

澹仙詩鈔卷二十一

三

將之嶺南留別同社諸子

行旅艱難極淹留歲月多寧須憂跋涉況乃苦干戈婉婉嬌
兒女低徊舊薜蘿寸心眞惘惘去住兩如何
廿年談藝處奉教得群賢去與難兄說當爲故事傳吾生本
孤陋卿輩足流連嶺海多耆舊遺聞或可編

過昭平縣感事

先人爲政地廿載復經過父老殷勤問郎君骯髒歌流風應
好在孤露感如何葛帳西華子栖栖愧汝多

上巳同人修禊灘江水閣余以事未至

往者不可作來日當大難所以古達人秉燭遊夜闌矧茲上

除日風物美且閑茂林映修竹急湍帶清泉江山見標致賓
主多名言混混裴僕射超超張茂先繫子骭離人勝日空唐
捐平生坐後期豈獨茲會然撫景感舊遊陳迹悲逝川憶已亥歲
同小韋竹士丈修禊李園今竹士丈已沒梁商歌薤露夏侯酌靈前緬懷昔人遠
彌傷時事遷吾行已孤負諸子當盡歡

中秋獨登灘江水閣玩月

素魄暉暉上長江湛湛前人間自良夜天上是何年百尺樓
高絕孤懷吾渺然不知故鄉月可似嶺頭圓

讀義山詩集題後

心悅君兮君不知越人歌自有微詞金輿翠輦悲南內玉帳
澹仙詩鈔卷二十一

四

牙旗憤北司接武好教追杜甫齊名莫浪比温岐高唐神女
閑情賦古意從來未可訾

夜閱舊稿感賦一律

題襟往事不堪論綺語難除結習存山水之餘深寄托性情
所得未忘言鑽研故紙疲精力點對殘篇有淚痕感舊懷人
意無限寒燈如豆和哀猿

貧女

寂寞畏人知春愁不掃眉牽蘿新雨後倚竹薄寒時縞李高
同格天桃晚入詩練裳與裙布他日嫁相宜

寒食卽事

江花與江草婉戀自相親紅豆蠻鄉恨青楊比戶春蕭辰多
遠思寒夢悵離人汎瑟遙帷底王微小病身

春日與李松孫過朱氏園看牡丹時花已謝聽朱叟談

松孫家事感賦二律

禪榻茶烟晝掩門東風狼藉落江村尋春杜牧三生客話舊
劉惔再世孫幾日鶯花空爛漫百年富貴閱朝昏何須更說
恒河劫只是當時已斷魂

楚翁扶病下堂遲肘客看花意不辭指點故叢悲老物摩抄
喬木喜孫枝荒江白屋成孤築小叔朱門又一時歎逝傷春
情種種寒烟落日淚絲絲

澹仙詩鈔卷二十一

憶閩中荔支寄家兄少愚觀察

當年風雨記連床最愛西頭夏木涼正爾齋中情話好忽驚
海上羽書忙別來烽火平安否老去機雲憶念長此日嘗新
應已遍天涯百感集蒼茫

題人西樓望月圖

美人隔千里相共只金波大地清光滿誰家秋思多南飛有
烏鵲西望接明河余亦懷鄉久因之水調歌

贖舊羊裘戲作

愁城無處築謔臺新自長生庫裡回豈是從師留影質見北史儒
林傳記曾爲婦貰村醅酒痕襟上猶生漬世事何中已死灰傳

語故人吾計決一竿贖欲賦邇來

題松圓老人初祖面壁圖

上有牧齋贊柳如是詩又瞿忠宣贊

孟陽作畫虞山贊此卷流傳二百年真是西來掃文字依然南渡又烽烟青絲白馬悲符讖方杖圓蒲結淨緣義士蔭美人如是灰劫盡可憐遺老各逃禪

詠黃梅花

冷蕊疎枝破臘前貧家風物逼殘年小名自是孤山妾大事誰參五祖禪瘦幹已同黃面老深情相對素心妍橫陳嚼蠟從來慣却笑坡翁失醉眠

十四夜李五

聯璞

招飲城南看燈卽席賦謝

澹仙詩鈔卷二十一

六

看街簾外盡春聲卷白波杯一笑傾小庾詩賡元夜體左徒傳是此辰生買燈我欲增三夕作達君眞第五名節物關心年老大當頭新月不勝情

題余子鴻少府居梅生文學合作梅鶴山莊圖

在昔山樵與犬癡合圖曾載阮亭詩誰言今古不相及此卷依稀想見之入夢故園梅的皪遠隨薄宦鶴雛思鄉懷古情無限况是天涯歲暮時

陳貞女詩

女未廟見亡暹墓於女氏旣塋則服除夫死亦如此煌煌禮經文吾聞諸夫子陳女字孔門未嫁其夫死女心堅如石靡

他之死矢父母重女心許女遘闕里夫未盡孝養女代奉甘
旨夫未盡烝嘗女代承祭祀誰言就義難從容乃如有如
草莽臣殉節而未仕君綱與夫綱森然無二理正經乃常道
充類由所恥此時稍轉念初志已委靡嗟女豈好名大義不
可已我爲作歌詩敢以告良史感彼衛共姜不諒呼天只

書小韋詠木棉花詩後

離火文明出異芳嶺南三子應文昌

屈梁陳三家皆有木棉詩

何期越嶠

風流後又見先生雲錦章奕奕雄材涵海氣熊熊寶焰蒸天
光輸君彩筆青蓮裔合有紅霞起硯旁

全州謠

澹仙詩鈔卷二十一

七

壞雲壓城天狗下城頭老烏啄屋瓦嗚乎怪事吾不圖野老
唏噓鼓隴胡百年不見刀兵久爲言茲邑實禍首四郊向晚
倏烽烟竟夕一城響刁斗李波婦女能爲賊張津徒卒紅絛
額昨日州前擗大鼓殺氣崩騰日無色時危誰是有心人事
急惟呼無量佛昨來一軍鄉曲豪英英壯士頭虎毛入市睚
眦皆拔刀曰汝性命懸吾曹頗聞此軍號能戰大府日夕親
圍練此曹平日能輕身及到沙場色皆變是時風雨薄夜半
可憐我兵鳥獸散搜牢十室九逃竄遣我窮民獨悲歎語君
且勿歎聽我進一詞敢告此邦賢有司我聞養兵原衛民滅
賊不在多殺人

病中送小韋丈避兵

我病君過發蕭蕭馬色寒人聲秋慘淡兵氣暮嶮阨已是異鄉別遑憂行路難殷勤戒僮僕莫使客衣單

奉懷小韋丈車田村

汀上白蘋老夫猶未暹天狼弧矢直風鶴信音非旁午軍書急艱辛故舊違江村愁李涉豪客怪儒衣

消寒集題顏魯公書東方朔畫贊拓本

明皇不識顏真卿武帝亦不知歲星我思二主頗英武咄咄胡爲君失臣二君作事將無同漢禪泰岱唐東封漢代匈奴驚遠畧唐擊奚厥誇邊功明皇三子同賜死漢亦殺子誅江充漢廢陳后長門賦唐亦棄后呼阿忠魯公書此豈無意筆諫隱隱墨和淚壯哉請斬賣珠兒錢畫銀鉤蟠入字或疑公頗希神仙索米乞米同相憐不知公自羨方朔猶得譎諫君王前仙魂毅魄曠世感惟公大節全幽燕君不見從古神仙皆節義千秋合傳名仙吏

消寒第四集題河東君小像

賦罷紅箋矢白頭鴛鴦湖畔共扁舟他時獨報尙書死絕似秋風燕子樓

漫說章臺楊柳枝影憐婀娜最風姿玉京入道橫波俠奇絕蛾眉共一時

淒然擁髻話南朝一局殘棋劫已消老去彥回眞誤汝千秋
遺恨石城謠

夢華回首已模糊髻影春風識畫圖東海揚塵水清淺也如
殘劫說麻姑

朱伯韓侍御遘自都門枉過賦贈

朱雲風裁去動公卿嶽嶽爭傳折檻名忠愛每迴明主意
憂危眞見古人情遘來襪被仍蕭瑟別後詩篇益老成莫便
東山作高臥幾多霖雨望蒼生

同人賞牡丹分賦

歐碧鞞紅獨殿春輕陰正是養花辰從教富貴何妨晚爲有

澹仙詩鈔卷二十一

九

文章不自貧謝客五言曾未詠楊妃一笑或前身倚闌共賦
清平調綵筆爛熳覺有神

贈心香廣文卽送之荔浦

憶昔高軒過疎懶久未報君又欸欸來厚意益笑貌旁觀動
驚疑無狀近簡傲君不督過之殷勤翻慰勞以茲愛士心春
風遍學校我聞師儒席俊秀待育造近乃號枝官率半昏且
耄先生獨不然激昂首屢掉首藉萬馬中騏驥奮騰踔時或
撫素琴悒悒大雅操興至時一吟賈孟闕孤峭君善鼓琴此詩學賈孟
中有樂地束身自名教得師古所難多士應歡笑何須臨歧

路執手殊戀嫪

桂林九老榮樂圖爲黃春庭太史作

香山九老耆英會唐宋流風想見之諸子婆婆能繼起此邦
風雅要扶持隻雞斗酒頻來往張丈殷兄共笑嬉乘柘影斜
醉暹去畫圖點綴太平時

伯韓侍御以其尊公韞山先生守濬縣時遺詩索題卽

次元韻

當年螳賊縱橫甚殺氣蒼茫上鬢華已見孤臣能報國更欣
令子善承家牙籤永寶遺詩草手澤曾栽滿縣花老父同時
殲海寇竭來共話淚如麻嘉慶間先君宦粵東值海盜張
斃三百餘人保仔始降

澹仙詩鈔卷二十一

十

初冬伯韓侍御招同人賞晚菊以且看黃花晚節香分

韻得花字

側聞白簡風霜肅君亦霜中傑出花豈意觥觥驄馬座翻同
落落野人家孤懷未敢傷遲莫晚達何妨歷歲華我自冬心
甘獨抱冷噙籬畔手頻叉

冬暖行

昨者炎官失其職一炬千家何太劇兒號婦啼走且踣吁嗟
天公胡不德又聞農夫語嘖嘖一月不雨地爲赤明歲將憂
無豆麥我思此事載方冊冬行春令命曰逆春來又恐多疫
疾掩書不語愁脉脉忽念被火無衣客稍喜黃綿襖子出天

其有意憐窮厄醫創剜肉乏長策妻孥笑我翻自失且曝茅
檐思雨澤青天湛湛無雲色

題少渠明府空山吟趣圖

夢遊彷彿似天台石路懸雲上有臺晴雪滿空兼葉落滴流
絕底照花開直窮莽莽無人境獨詠荒荒太古苔此景分明
吾領取眼中又見畫圖來

讀小韋丈前後避賊車田溶江詩

樂府從推杜拾遺傷時感事每與悲風騷遙接千年後雪涕
重吟兩卷詩避地故人眞鬱鬱憂天吾輩漫期期流民雁戶
知何限不敢因君怨遠離

澹仙詩鈔卷二十一

十一

題鄧湘臬先生昆季聽雨圖

二蘇未踐連牀約孤負人間好弟兄看取耦畊共澆水先生又有

耦畊何如漂泊在彭城氤氳眉宇有眞意蕭瑟燈花知此情

笑我新拋姜被煖瀟瀟愁聽夜來聲時從少愚兄署中遙

以鶴贈小韋丈媵之以詩

吾家清獻有遺風清畏人知兩世同先祖曾爲雲南昭通府通守先子一

官終毳毼孤兒弱羽更毳毼可憐鳧化遶天上敢說鷄群見

侍中贈與丈人應護惜只慚不舞累羊公

懷鄭小谷比部柳州道中戲柬絕句

歇後詩情在蹇驢雨昏花落客懷孤道行不得湘南路愁煞

天涯鄭鷓鴣

題孫吉生通守味紅閣填詞圖

孫郎真有紫髯風散髻斜簪唱惱公記得君家佳話好歲除

索稿渡江東

事見漁洋詩話

小來願作樂中箏自拍紅牙和倚聲亦有江南腸斷句墜歡

殘夢不分明

余少有謚簫願箏詞一卷

子純弟得舊琴於壺山民家爨下名曰遺薪索詩

不遇胡灰劫何由識此材爲予一拂拭嗟爾久沈霾黯黯如

枯木摩挲有古苔可憐焦尾質幾見賞音來

吾家耶利子大雅自惜惜終日垂簾坐常時捶筆吟寂寥娛

澹仙詩鈔卷二十一

三

獨享攫醪向人深石氣空山古千秋感遇心

題倪雲渠珠江夜遊圖二首

花月春江夜端宜綺麗才九華燦燈火一碧湧樓臺往者開

紅舸

辛亥荷花生日曾作花田之遊

相於浮白杯展君新畫卷憶我舊遊來

聞道燈船盛秦淮絕豔傳可憐佳麗地都屬紂陰天

江南尚爲賊踞

五嶺亦兵燹千家稀篔絃倪迂如避世慎莫熟龍涎

杉湖可樓爲黎秋伯賦

杉湖西畔小橋頭地有元龍百尺樓山外斜陽奔萬馬水邊

涼笛散羣鷗爲誰曠望窮千里輪爾高人占一邱且報子雲

多載酒老夫乘興欲來遊

再疊前韻索秋伯和

讓子人間出一頭凌雲一笑有尚樓軒軒君自塵中鶴泛泛

吾憐水上鷗幾處烽烟驚羽檄故家華屋感山邱李春湖侍郎湖西莊

湖東樓俱荒廢矣江湖瀕洞能堅臥應念平生馬少遊

秋伯招遊可樓疊前韻

高踞胡牀嘯上頭何殊庾亮在南樓竭來名士荊州鮑老去
機心海畔鷗風月論錢蘇子美湖山如畫李營邱雲涼水碧
題襟地合與吾儕作臥遊

題紅線圖

御風千里不留行往返三時事竟成安得如卿神妙手錦車

澹仙詩鈔卷二十一

三

破賊石頭城時望江南捷音故云

銅臺高揭俯清漳斜月晨雞夜未央最愛景山工撰語行間

點筆頗蒼涼

杉湖十子詩鈔卷二十二

香圃詩遺

漢陽黃錫祖香圃

懷人八首

余邇讀謝客擬鄴中詩八首不禁掩卷而

歎彼人事代謝猶或擬之况生平交遊離合之感有

難忘者雖勢位懸絕而二難四美自謂過之文采風

流要一時之傑也遠臥滄江追思曩昔聊用其體撰

文懷人

李宗瀛

季容不及世事好客賦詩時有小山叢桂之思

百川競趨下中流渺孤撐文章今則然道誼矧所傾因文求

至情契此數友生西園樹梧竹東壁羅瑤瓊敦槃醺佳日風

香圃詩鈔卷二十二

月娛羣英忝承華屋居頗執騷壇盟抗言希往哲高唵振雕

薨一朝抱端憂盛遊難再賡賢豪迫事勢時節遂紛更遐哉

登桂山邈焉懷玉京

王錫振

少失怙恃頗能取益師友期自振拔

悲風從天來吹我庭樹萎揮淚辭妻去遊學天之涯建陵二

三月好鳥鳴高枝幸邀郢客顧願取他山資詞賦擬相如稼

圃輕樊遲仰賡梁甫吟臥讀索靖碑梁園盛佳客綺筵徵新

詩馨香輒有贈風雨無或違周周刷羽毛蛩蛩絕負攜舉杯

要日御遲我凌風飛

王庭楨

世本燕人少長吳下流離風塵故多飄泊之嘆

浮雲任飄搖飛蓬無定處物理多零畸人生亦齟齬羸馬朝
趨秦蒲帆夕挂楚松柏摧燕墳杵臼賃吳廡因風入桂林叩
月聽銅鼓潭潭金張居濟濟鄒枚侶名言霏玉屑芳樽酌桂
醕公子敬愛客遠遊忘羈旅一別知音違迴思盛遊阻

彭昱堯

少伏鄉曲一探桂林山水之奇爲文遂超出濟輩

鄉曲少魁奇天漢縣文昌笑攬絕塵轡願觀大國光建陵富
山水暇日恣徜徉朝探六崙幽暮捫七星芒剔蘚證古篆攀
蘿履崇崗青蒼豁我眸崩勞撐我腸琅琅振金石纏纏成文
章知音謬許推聞風紛來翔一篇擲有聲千載鬱相望且挹
灘水波滿注臨風觴

香園詩鈔卷二十二

二

陳鏐

時爲節院書記書畫詞章無不工妙

明月窺蓮帷映我斐几徹墨池瑋璫函印床珊瑚玦我豈琳
瑀流迺厠笙竽列撫時興何寄託物趣頗別靜研銅雀香戲
畫冰蠶鐵靈螭供雕鐫蒼蠅誤點綴時與南皮遊亦醉西園
月迴颺振新聲清泓激芳冽常恐樂在茲日暮憂思結

王棨

柴門風雪時至絕食而商歌不輟豪氣如雲

凝陰大塊合吹竅萬山鳴柴門臥風雪振屋發商聲許身比
稷契永懷鬪廉貞不嫌被短褐所志非華纓一朝偕計吏躍
馬趨上京閭闔何岌堯威儀盛王明罪言未及上山川壯歸
程平生素心友文酒招酬賡醉飽豈所分歌謠散不平

龔一貞

書記翩翩雖得一解而嬌婉多情

膏車赴宛洛願充觀國賓臨發促其御回顧呢所親梁園辭綺月羅帷闕新春宮殿何輝煌冠蓋亦鮮新紅塵迷廣陌黃門隔重闔既念同心侶况當豔陽晨垂鬟遲遊屐輒繡鋪華茵芳風龔懷袖微雨墊角巾離別何足道歡樂難具陳

呂廣治

少毓湖山之秀故多雅韻

戲攬湖上月閒吟湖上山句奪湖靈秀夢與湖光圓我生自西浙今歸處南偏詩書敦夙好山川思悠然幸茲二三子遣此歲月遷發難逞雄辯酌理悟幽元絃歌激清機裙屐媚少年人生寓所幻茲世曷可仙去者成懍悅來者慎因緣願言

崇令德相期愛春妍

人日

荒俗猶人日盤蔬各自遺遙憐故園客悽斷草堂詩窮鳥將離谷春條已弄姿靜觀來復意歸棹未應遲

醉歌行

寄洪大壺城

吾將返視蓬萊宮已脫銜轡之斑龍便須拂衣入鬼谷蘭若謝芳迷故躅垂纓長嘯天蒼茫孤雲何意來蠻荒青山坐老白日陡眼前作達無過酒纍纍印兮若若綬恐教輪卻持螯手君不見霹靂鳴弓石飲羽旗亭射殺白額虎后來幾輩位通侯老去將軍奈何許又不見草元子窮年矻矻不自已三

世執戟徒工文人方取覆醬瓿耳擊我竹如意把我金叵羅
人生鬱塞何其多且復泥飲爲長歌我歌正長誰與繹美人
迢迢共明月相思盡夜攬清輝何不來前盡一石贈君綠綺
琴金徽一奏回陽春酌君青玉案萬古牢愁一時判榕陰接
天天蔚藍木棉燒空紅可憐日長風軟鼓聲脆聯臂踏踏歌
花蠻問君此時不盡歡更從何處開心顏綠蟻醅紅螺杯還
丹好築糟邱臺壺中日月會長在與爾停歌歸去來

江上和少竹

取醉深杯百不辭生涯輸與榜人知鱸魚切玉菘浮碧正是
篷窗賭酒時

香圃詩鈔卷二十二

四

說劍心芒耿不平金戈鐵馬亂灘聲何當剷盡橫江石幅幅
輕帆浩蕩行

送張衍瀾茂才返蜀

燈紅酒綠歡今夕明發孤帆送行客行客何心別我行欲語
含悲氣先咽男兒有志輕四方安能一衿老故鄉學書不成
去學劍誓欲白手爭侯王五花連錢光爛爍決驟琴臺下劍
閣誰言五嶺最宜人一片心肝誤相託悲來拂袖迷四野眼
前盡是悠悠者白石空勞唱飯牛黃金何處求良馬山中故
人昨寄書爲言白髮常倚閭青青幾遍上楊柳更有玉顏愁
綺疏去年烽塵近鄉邑今年烽塵猶未息月斷征雲著意忙

心爭落日歸飛疾但能餓死向鄉間肯戀孤生遠鋒鏑江頭
新雨綠添波無計留君可奈何一片峨眉山畔月他時相望
爲儂歌

哭呂月滄先生

一見爲佳耳緘書忍重披飄零猶遠道生死正長辭他日元
亭過千秋華屋悲牙籤三萬軸能讀有佳兒

公病中有書云聞將還桂林得一見爲佳耳

佳耳

載石曾歸棹相攜賤子俱張堪宜累友

公與吾父不過一面

劉峻獨憐

孤餽粥艱難共篝燈謹授劬無成荒徼別冉冉負泉塗

聞雁

香圃詩鈔卷二十二

五

臥病空堂日易隕遙天風勁雁聲哀數行錦字經年絕萬里
蠻雲伴客來故國稻梁甯久歉前汀鷗鷺好無猜歸時知在
春前後莫向前檐首重迴

余小霞汪西芝有岐亭疊韻一編李小韋爲之合刻且

屬朱雲屏牋注野人見獵心喜戲次其韻柬小韋丈
布衣平生侶強半染柳汁曳裾客南荒誰念地卑濕惟君抱
古歡斯文冀我得嘔心一字艱望眼千里急鴛鴦一失侶翻
飛羨野鴨何來疊韻編花錦百層羃光彩絢金碧文字迷綠
赤多君亟殺青佐我屢墮白微官解高吟想見岸兩幘顧我
昨所呈血點半餘泣其言非不刊抑豈有遺缺難忘久要心

願附不速客好語朱鶴齡注仿浣花集

苦熱前韻

天地一洪爐驕陽鑠金汁逼眼火就燥漫膚水流濕計爲紇
干雀受凍死亦得誰能著綃衣粥熱愈燥急萍茵已成塵憐
此春塘鴨渴吻空鵝張紫焰觚稜冪安得挽銀河一洗燒空
赤清風迄無靈涼月不肯白誰寄鄭羣簞差免熊遠幘造物
豈漠然不念釜中泣當寒旣思暖人心苦多缺門外襜襖行
擾擾紅塵客好拈冰雪文一洗煩憂集

別臆

慷慨丈夫志依徊兒女別臨發攬君袂切切語瑣屑文書在

香圃詩鈔卷二十二

六

笥篋衣卷周四隙被襪新澣綻長缺蒯緱纈前途少新知詩
篇破孤寂山川恣君游風波慎自惕閉門有斗粟或未斷春
浙耳後藥玉環待君爲重飾東風江上來挂此一片席浩然
去不顧落日黯行色星火辨前汀遙岑下風笛迴思結襦來
艱辛備嘗歷晚炊黃泥坂曉汲烏蠻驛吟寒進重棉酒渴向
新碧傷時或憤激輒語爲冰釋使我落莫懷幾忘蠻荒客矯
首惟餘杭淚痕漬胸臆青春未上堂白首望何極此赴賢侯
招強捧毛生檄清江一舸通萬里未云僻行當攜子返侍奉
出耕績但得菽水歡永蹈鴻光節

將之蒼梧過壺城別梁八兄壽侶渠亦將有湘源之行

賦贈一首並柬少竹

自我測南日孤調誰與希手摩銅柱思目送邊雲飛榕巢有

狂客謂少竹助我張旗鼓鑿空表幽靈闢荒正是非要令異域

有威掛通人詞嘔心我方悸聞聲子相知豈有江楓名每向

榕巢諮君家壺關下我近客雙谿論交幸得介因少竹屢訪

不見疑抗言見卓犖憐才到箴規君身實抱典型此邊畿

自謂雲龍契安知風雨乖憶探白雲洞翦渡麗水涯鬪君腰

腳健委我籃輿馳嵐光乍開闔山鳥鳴相隨梯青刺山腹環

白窺天儀指點鸚鵡峯謂我當留題洪生少竹忽仰嘯天風動

雲衣援袍向石鼓兩壁石叩之作鼓聲怒轉壑底雷茲游恍在目義輪

馳難追昨登榕巢望敗柯綴紅芝少竹已還建陵修翎已遠舉明月

爲誰來我今弔虞帝蒼梧雲霏微君將尋湘源寶瑟聆湘妃

臨別飲我酒悠悠我心悲愛君池上閣楊柳交簷垂一軒水

滑笏四壁書填委主婦敬愛客饌潔羅盤匝侍坐五男子頭

角皆歧嶷年來數醉此欲去那忍離池光碧瀏瀏楊柳青依

依遽別既非料後晤安可期所期在述造努力毋廢墮音郵

未間阻慰問或庶幾建陵晤洪子且爲致我思

下烏蠻長灘

歸艫打鼓下烏蠻咫尺龍門可願攀有龍口最險此去買魚須痛

飲不教化鶴竟生還碾平雪浪千盤石飛捲洪荒兩岸山謝

爾篙師好身手馳書先欲報鄉關

憎蠅

舟行下邕江有蠅實云繁篷窗咫尺間千百相引援散漫到
几席攢繞尋盤匝不知渺渺波汝適從何來腥涎纔得飽搓
手以捧翼得意還趁人任揮往復集展卷手屢彈更來飽筆
端爾竟有意此使我忿且歎爾技亦何巧變亂黑與白一行
遭爾玷豈易云洗滌年來耳殊充爾聲漸不聞惟此眉睫間
實憚來往勤嗟爾矯翅飛才能及五步如何附舟來千里不
捨去代蠅申臆語我輩惟趨炎秋風一朝至踪跡自遠潛君
胡不我諒今時固我時君能守其常何慮相擾爲一笑指蒼
梧灑然卸行李爾儻從吾遊飲爾冰井水

香圃詩鈔卷二十二

八

載上烏蠻

不信乾坤大還循日月迴湍飛天上水石鬪地中雷山鬼窺
人過沙鷗笑客來關心橫海將前路有高臺

舟行八詠

側身浮世裏南北與西東一任飄搖惡還憑轉捩功神龍看
掉尾彩鷁便淩風贏得吳儂伴春腰香汗融

枕

編蒲任舒捲裁錦亦鮮妍滿損因君信飛行竟爾便風光隨
處挹畫境望中懸終藉吹噓力浮浮欲上天

帆

學確穿危徑前程亦大難偏能忘微分只欲挽頽瀾奚止千

鈞繫休輕一綫看長河方陡絕努力報平安

絳

扶植原端整同舟屬望賒喜來江上燕高拂斗邊槎受掣還
穿鼻多財好建牙白鷗應笑爾風勁莫傾斜

槽

桃源渺何許彌望綠平陂筮得蒼筤侶交應水石宜淺深勞
測試辛苦共撐持最是前湍急須妨下力遲

篙

不值倉皇候安知底定勞誰能輕性命君獨鎮風濤持重原
無貳投閒亦自豪請看戰場色夔罔已潛逃

錨

已訝輕如葉那堪覆似飄慣要江上月愁坐雨中宵翠羽晴
還豔烏油彩易描一燈微透處閒話羨魚舸

篷

妙製窺剡木勳庸利涉川祖生豪氣在子敬麗情偏高浪誰

香圃詩鈔卷二十二

九

能駕盤渦動處圓聖皇咨爾用書策幾千年

楫

辟蠱

山嶼水刻生計微林巒蒸鬱毒霧霏悲哉南人日以感更溺
蠱蠱心何爲睚眦成讎便欲殺衽席之好還嫌猜自來淫貪
已滋惑久矣此蠱誰能治黃昏咒發風雨惡飛緣踔躑紛潛
來牢益閉置使相食能併其眾爲雄奇蝦蟇一怒突兩目金
蠶殭蝮成積胚蜥蜴飛遊逗耳鼻一蛇到腹產百虺月縮鍊
蠱取生魄月盈縱蠱死魄哀新歡舊忿財色媒一背其好危
予危或置杯酒中勸君引滿禍已胎或彈襟袖間令君觸處
肌膚隳亦有短狐工射影鬼箭麗物憑空馳陰奸無跡不可

按雖有王法何能施父傳其子姑教婦仇讐報復無窮期更
憐客子每懼此天陰聚哭歸魂稀歎嗚聖人有垂教忠敬自
可行蠻夷攝衛難過蠱者眾人生何所非死悲我聞其家擅
此祕屋梁不到塵與灰其人事蠱習蠱性生瘳嫉很多警機
安能遍乞神明宰不避難險能燭非盡取其人飼諸蠱然後
火其蠢類無纖遺坦然爲歡絕疑怨人心上可天心推陰和
陽調風雨順定可瘴癘由斯開或云黃金作纏臂約指亦可
祛飛災男兒不佩肘後印誰能辦此女子癡囊中有錢且沽
酒生人無術吾爲誰

重聽自嘲用東坡岐亭韻

香圃詩鈔卷二十二

十

已脫神仙籍難飲青泥汁如何忝然人其耳常濕濕身承先
人蔭一丞出應得重聽古何妨辟咩今所急坐斯贖贖情嬾
射東野鴨竭來客南荒真同幕中翼靜慮聽雷霆但見電光
赤大聲而疾呼客意仍未白遷怒到蒙蔽冬月常脫幘全歸
豈云孝闕一每飲泣社酒治無靈乖龍割應缺愧吟充耳詩
但對忘言客高枕謝聲聞一任鬪蟻集

泥同舍飲再用韻

蒼梧竹葉青遠勝郟筒汁離支初登盤尙帶露條濕此豈吾
鄉酒傾貲買未得勸君脫拘牽世事有底急能者恐虛誇只
似龜蒙鴨飛鴻游冥冥要遠塵網罟不見羞頰頰何如醉顏

赤醒眼且矇朧雅俗溷青白吾生樂杯錯爛漫謝冠幘但期
醉鄉遊肯作歧路泣春來江上山修眉露花缺卽此一瓢酒
莫負萬里客行樂須及時更請連朝集

秋懷五首

一上層城萬里哀無邊秋色抱江迴奔濤受阨爭山立孤艇
餘生破塚來人鮓囊邊紛叫嘯鬼門關勢鬱崔嵬狂生何處
投雲鞞橐筆真憐廊露才

漢家都尉罷防邊海內承平二百年散馬驕嘶芳草地獵鷹
盤沒嶺門煙鐵船月白中流見銅柱秋高大漠懸千古馨香
崇廟食將軍誰似馬文淵

香圃詩鈔卷二十二

十一

蘆管烏烏聽大招月明荒店走蕭騷哀俚毒蛾紛窺伺遷客
羈魂總鬱陶號祭沿村都老壯踏歌聯臂尙孃豪佩刀拋盡
閒田地猶賴諸公撫字勞

分茅嶺上瘴烟昏天與華夷界此門最險爲風門嶺日射照陽關通

一騎雲低牧馬地隱千屯南來嘯聚多亡命北望 朝廷遠

至尊貢道祇今輸大賈罪言安望達 重闈

底事劉郎薄二豪深杯聊與共持螯三秋佳日重陽近萬里
西風一雁高畫角慣催邊塞月鄉心張觸廣陵濤詩成蠻語
憑誰和鏞盡龍文且自裝

時已冬初而燕猶有留者感賦一首

雙剪悴寒暉淒淒露草微夜長人早起秋盡爾還飛巷口諸
郎老天涯雨雪霏故巢知在否吟望一沾衣

謝文節公遺琴歌

秋風泗水沈周鼎目斷故宮禾黍冷抱琴獨向建陽來彈不
成聲哀不哀趙家田肉今已矣柴市招魂丞相死淒其待寫
首山薇腸斷朱絃淚如洗滄桑變盡不可回慷慨赴節琴心
灰遼海歸時應化鶴斧柯當日奈何龜碧血銷沉七百年枯
桐流轉向人間應思靖節無絃意漫作成連海上彈

留別雙谿書館

原知傳舍重低徊風雨三年寄不才曉院鶯聲催客去夜窗
蟾影爲誰來壁間醉墨言多漫花裏重門手自開爲語雙谿
後司馬莫將車馬破蒼苔

舟次新寧醉後墮水

醉來幾爲蛟龍得慙愧同舟省視情卻似杜陵曾墮馬不教
采石便騎鯨眼前淚袖癡兒女海上靈旗我父兄洗盞且須
酬滅頂浮生從此號更生

容縣楊妃粧樓

羣峯撥黛引游艘生長楊妃豔此邦鈿盒已教窮碧落粧樓
猶自拓紅窗乘輿萬里曾秦棧禍水千秋滌鬱江聞說珮環
來月下可攜南內影雙雙

淮南王

桂叢招隱渺難期兵解丹成事總疑百代孤寒偏食德瓦盆
頭頭進黎祁

勾漏

我來勾漏山懷仙動遙羨丹砂苟可尋作令遜我便袖中抱
朴書火色熟燒煉卽此謝世網方蓬待傳讎事乃大不然所
聞負所見前探崕嶺低環矚荆芳遍廢竈香遺基古洞竄驚
豚長鑿試一刷塵全滿襟緣猶恐鹵莽心難冀山靈眷齋宿
三日求搜剔幾顛眩往來山下人笑我足重趺但言葛仙米
遠產出貴縣時代有推移陵谷豈遷變凡材何地無洪詎此
山戀安知當時意不爲一官牽仙蹤旣渺芒靈丹肯矜炫因
歎稽生賢石髓凝成片

抱朴子

一卷抱朴子名心下士同頗嫌章疏氣殊少列仙風丹訣傳
多誤黃金屢未窮超超得元箸應愧爾家翁

葛仙翁乃
洪之祖也

長年苦

喫了昭平酒篙子不離手

船人
口語

莫望桂林山絳路幾千盤有

時篙緯兩無用踏水扛船船不動前欹後卻蟻捧羶肩承背

負鰲戴山半日撼移才一尺用盡爺娘生我力力盡風號水

落灘灘高猶可天寒殺我水截我肱石齧我踝赤身一袴冰

生稜且趁斜陽水旁坐長年莫哀三老賢水涸上船如上天
今番倍爾青銅錢黃昏飽飮洗脚眠明朝辛苦還前去順水
來船笑相遇

仰屋

殘年風景逼人涼時世難憑肘後方種樹悔輕千戶李賃春
空託五噫梁長衢裘馬多同學陋巷簞瓢漸絕糧仰屋著書
今日事可容寒餓減清狂

潯江行館紅梅歌與陳東橋孝廉作

潯江廢解有老梅雜伍榛篁半枯槁春來寒香不自秘猶向
東風弄晴昊橫撐老幹青珊瑚亂綴繁英紅瑪瑙我友招攜

香圃詩鈔卷二十二

古

散步來徑紆苔滑無人埽嫣然林角見丰采輕胃羅陰助嫵
曼瓊姿似厭出世粧帔影紆霞謝綦縞含章殿側酒半酣孤
山亭畔春初曉何年移植已莫問異地驚看忍輕勾想當臺
池未傾廢豈無裙屐來巡繞繁華轉眼散如雲咫尺墻東伴
孤悄君言南谿有此樹苦憶風窗透龍腦我亦西谿輕別來
十年不踏隄邊草一枝何意同此寄兩地相看倍能好休嗟
地僻少人過轉恐愁多被花惱詩成且就花間吟有酒莫辭
花下倒與君客裏惜春光大好閒來散懷抱

登獨秀峯同少鶴

虞衡志山經獨秀無與讓峩峩郭郭間平地聳千丈如逢古

傑士特立絕，依傍仰緣修。蛇徑漸出飛鳥上，登頓久所殫眼。
界近一宕東，攬滄洲勝。南思碧雞抗，連山互西來。全湧走惡
浪，中原渺無極。浩浩阻北望，塵寰若浮漚。灘水細可障，周羅
俯羣峯。餽飢紛莫壯，頗聞媧皇石。擲此毋乃誑，茲山不受貶。
兀欲補天曠，日月此回薄。雲霖所醞釀，吾將叫閭闔。罡風忽
排盪，呵筆寄此章。披豁謝靈貺。

伏波山戲攬餘生

伏波視獨秀，二賢實相亞。獨秀如可王，伏波亦堪霸。兩軍屹
相對，嚴靱而並駕。彼勤勤，思撫此兀兀。不下所嗟虬髯來，勢
已交。皇藉卻領水上軍，萬馬懾烏咤。下闕無垠地上攬青冥。
靶請看此堅壁，豈是兒戲。灞作詩示吾友，陰語不須詫。江東
儻無卿子，亦足雄跨。

春晚雜興七首

一病全拋九十春，落花飛絮滿江城。竭來過雨江頭望，潑眼
青山是故人。

王郎一舸尋鴟夷，屈生煮字難療飢。阿連出門但西笑，洪厓
不見領其頤。

一別元亭再見難，平生恩義重邱山。忍看賣宅淒涼字，馬策
搥扉慟哭還。

平生心折南郭棊，一日不見令人思。如何對客慢無語，常遇

嗒然隱几時

星臚的爍解窺簾紫玉年來欲化煙腸斷南谿老居士桃根知向阿誰邊

草書何惜不匆匆且可爲歡酒未空苔階過雨添新綠水檻因風聚落紅

江南天津滌流離麥熟不見休王師朝餐小女笑嚼蝨東坡

先生聊賦詩

和孀餘先生懷舊之作

同學紛紛苦愛官馬蹄特特向長安名花上苑看應遍叢桂空山夢欲寒白雪調高求和寡黃金散盡論交難江湖臺閣

香圃詩鈔卷二十二

六

關通室誰把緋魚換釣竿

香圃詩鈔一卷僕於道光丙午假歸重遇香圃桂林所從借錄者也香圃時已倦遊多病與之別不數月遽死此卷藏之篋衍倏廿餘年同治丙寅僕再假歸桂林開府江夏張公時方鈔刻伯韓小韋諸君之詩暇輒及余論略因出香圃此卷質之而並及於麓原芷潭麓原詩身後零落存者不十二三芷潭則僅拾諸苔岑集中所刻之十餘篇於向所見於龔子茂田所者但十一耳開府欣然彙而刻之合諸伯韓小韋諸君題曰櫛湖十子詩鈔以香圃年最少而爲之殿香圃有知其將稍慰藉於九原若麓原芷潭者

吾知其不以此重輕顧後死者亦以寄其不慘痛惜之意
然則開府此刻之意不亦盛哉時在同治戊辰夏五馬平
王拯識

